



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 03/07 2020

Geagte Ouers/Voogde

1. **Terugkeer van grade. 1,2,3,6,10 en 11:**

Na aanleiding van die aankondiging van die minister van Basiese Onderwys op Donderdag, 2 Julie 2020, sal voorlopig slegs **gr. 6 en 11** op Maandag, 6 Julie, terugkeer skool toe. Wees verseker dat alle voorsorgmaatreëls in plek is vir die veilige terugkeer van die leerders. Elke leerder en personeel se gesondheid en veiligheid is ons prioriteit.

Ons hou u op hoogte van die datums vir die terugkeer van die ander grade.

2. **Tuisonderrig:**

Graag rig ons 'n vriendelike versoek dat ouers wat die keuse uitoefen om NIE hul kind(ers) terug te stuur skool toe NIE, en self die verantwoordelikheid neem om hul kinders by tuisonderrig te registreer, die skool asseblief skriftelik in kennis moet stel.

3. **Afstandsonderrig:**

Ouers/voogde moet asseblief daarop let dat sodra daar met die terugkeer van grade weer met formele onderrig begin word, word afstandsonderrig aan hierdie grade gestop.

Indien 'n leerder 'n onderliggende siekte het, moet die ouers 'n afspraak met die skoolhoof maak en die skool van 'n mediese sertifikaat voorsien.

4. **Sport- en kultuuraktiwiteite:**

Geen sport- en kultuuraktiwiteite vind vir die res van die jaar plaas nie. Alle kampe, toere asook die matriekafskeid en prysuitdeling is dus gekanselleer.

5. **Bustye:**

Die roetebustye vanaf Maandag, 6 Julie, is as volg:

Misgund:	06:30
Loutterwater:	06:45
Krakeelrivier:	07:00

6. **Covid-19:**

Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdiens gebruik maak, moet op die bus wees met 'n masker.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

7. **Toelatings – 2021:**

Die sluitingsdatum vir aansoeke is soos volg:

Gr. 1: 17 Julie 2020

Gr. 2 – 11: 23 September 2020

Geen laat aansoeke sal oorweeg word nie. Indien u enige navrae het, skakel gerus mev. Daleen Strydom.

8. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

9. **WEN 'n KIA-PICANTO (2020)-fondsinsamelingsprojek:**

Inbetaling word by die registeronderwysers gedoen. Die laaste datum van inbetaling is **7 Augustus 2020**.

- ✓ U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.
- ✓ Leerders wat 'n tweede boekie wil verkoop, kan daarvoor vra na die eerste inbetaling.

✓ Die wenner van die Kia-Picanto (2020) word in Augustus aangewys.

S. Pienaar

S. PIENAAR

Waarnemende Skoolhoof: Hoërskool McLachlan



INTERNET
GENERATION

internet generation
Wireless Internet
www.igen.co.za

McLachlan Internet Fasiliteit